


Paul a Silas yn canu yn y carchar

www.lambsongs.co.nz Gan Jill Kemp (Cyf. Susan Williams) Lluniau: Richard Gunther




Aeth Paul a Silas o un dref i'r llall yn cyhoeddi i bawb y Newyddion Da am Iesu Grist, Mab Duw.



Yn un dref fe wnaethon nhw ddweud wrth ferch ifanc am Iesu ac fe ddaeth hi'n Gristion. Ond roedd ei meist'r yn flin iawn am hyn ac fe lwyddodd i gael yr awdurdodau i arestio Paul a Silas.




Yn y carchar roedden nhw'n ceisio codi eu calon drwy adrodd geiriau o'r Beibl a thrwy ganu caneuon o fawl i Dduw drwy'r nos. Gallai'r carcharorion eraill a'r gwarchodlu eu clywed nhw.



Roedd ffrindiau Paul a Silas yn gweddio amdanynt a'r noson honno siglodd daeargryn mawr y carchar gan agor ei ddrysau'n llydan agored. Pe byddai'r carcharorion yn dianc fe fyddai'r gwarchodlu mewn helbul ofnadwy.



Ond wnaeth Paul a Silas ddim dianc. Roedd prif giard y gwarchodlu mor eithriadol o falch i'w gweld. "Mae Duw gyda ni ac rydyn ni eisïau i ti wybod am Iesu, Mab Duw," meddent wrtho.



"Dywedwch wrthyf fi amdano," atebodd y prif giard. Eglurodd Paul sut roedd Duw wedi anfon ei fab i'r byd ac fel y gwnaeth o iacháu a helpu pobl. Yna dywedodd fel y bu Iesu farw ar groes bren. "Mae'n fyw yn awr, yn union fel yr oedd Duw wedi addo."



Yn unig creda mai Iesu Grist ydy Mab Duw. Byddi dithau hefyd yn dod yn blentyn i Dduw.

"Yn unig creda mai Iesu Grist ydy Mab Duw. Byddi dithau hefyd yn dod yn blentyn i Dduw."
"Rydw i'n credu mai Iesu ydy Mab Duw," atebodd y prif giard.



Dyweddodd y prif giard wrth ei deulu i gyd am Iesu. Fe wnaethon nhw wrando ar Paul a Silas ac fe wnaeth pob un ohonynt gredu yn Iesu hefyd. Fel Paul a Silas roedden nhw nawr yn blant i Dduw.